



UNIVERSITÄTS-
BIBLIOTHEK
PADERBORN

Universitätsbibliothek Paderborn

Opvs De Iudiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos &
Festos, ab ipso Auctore confectus

Stengel, Georg

Ingolstadii, 1651

4. Quantus è violata coniugij fide existat dolor?

urn:nbn:de:hbz:466:1-45686

Enimvero grandem, ex hac fidei non seruata offensa, nasci dolorem, ipsa Zelotypia ostendit, ipsa demonstrant vindictæ exempla. Petrus Castellæ & Legionis rex filias tres ex Maria Padilla pellice genuit, vna cum filio Alphonso: ex Blancha vxore filia Ducis Borboniensis, nullos sustulit liberos, quam, siue vlla iusta causa, ab se ablegauit: quæ, non multo post, mœrore confecta mortem obiit. Quam multæ honestæ feminæ maritorum suorum iniurias, tacente quidem lingua, sed singuliente animo, dum sustinent, contabescunt? Siquidem vel quia virum infamia maculare nolunt, vel quia crimen mœroremque suum alijs proderet erubescunt, alto corde dolorem premunt, vsque dum vitam opprimant. Quare mariti earum adulterando & fidem frangunt, & vxorem occidunt. Quædam vxores doloris impatientes nihil possunt istarum rerum dissimulare. Quare luctus in pugnos, in cædes, in atrociam mala erumpit. Sæpe adultera, sæpe adulter luit, non tantum Numine, sed etiam marito vel vxore puniente. *Picenum, quam vulgo Marchiam vocant, Franciscus Sforcia Eugenio IV. Pontifici Maximo rebus Basiliensibus occupato, ademerat. Interim capitur amore puella, quæ inter virgines coniugi suo seruebat. Perpetua vocata, apud Nouarienses honestis parentibus orta, forma egregia, & ingenio moribus, nisi potentis domini decepta blanditijs virginitatem cum adulterio permutasset. Hac, cum iam paulatim intumesceret uterus, ad regendum facinus, quesito, qui eam duceret, viro despondetur. Constitutæ nuptiarum die, sponsus in oppido (quod a Francisci curia non longe) letus aduentum noua nupta præstolabatur. Ducitur illa multis comitata nobilibus. Sed ingressa oppidum, cum descendere in domum sponsi crederetur, iussa ulterius pergere, in arcem raptæ est, nec ulterius infelici viro videnda sponse copia fuit. Quod cum Blanca Francisci coniux Philippi Marie Insubrum ducis F. cognouisset, submissis percussoribus, puellam interfecit. Franciscus, licet commotus, vxoris tamen iusto dolori ignouit. Iustus erat sanè dolor, sed in iniustam erupit vindictam. Quod planè, frequentissimis homicidijs contingere, palam experimur. Ita & fama tenet, Blancham Petri Castellæ regis vxorem pellicis tori æmula odio concitatam, donasse virum cingulo, cui ille comperit*

IV.

Polydor. l. 19

Æneas Syll.
c. 59. Europæ.

Polydor. l. 19.

comperit vim inesse magicam, arte cuiusdam Iudæi infertam, & ob eam causam, reiectam. Quàm crebras eiusmodi molitione, venena, & veneficia audimus? Nimirum ægerrimè ferunt homines, si debitor fidem fallat, quanto ægrius ferretur id coniux, cum videt, non de pecunia sua, sed de tori confortè agi?

V.

Zonar. tom. 3.

Verum est, fuisse, & esse quasdam feminas, quæ adulteria maritis vel indulserunt, vel annuerunt. Zonaras scribit, Constantinum Monomachum, Habram Sclerenam, non modo in exilio, sed etiam in regno habuisse, eamque, consentientem vxore Zoë, in aulam adduxisse. Sed aiunt Zoën, ob ingravescentem ætatem, Zelotypiam jam tunc abiectissimam: quod qui de-

Cranzius l. 5.
Daniz.

femina credere potest, credat. Cranzius tradit, Ericum regem Daniæ, multis alioqui virtutibus, præsertim autem comitate, ornatum, plurimas pellices habuisse, quas etiam vxor eius Bertilda, e diuersis locis, accersitas, suis manibus complerit, maritoque ultro miserit, ut eius sibi fauorem conciliaret. Litu-

Sabellic. l. 4.
Ennead. 10.

norum matronas, virorum permisso, palam concubinos habuisse, quos vocauerint *Connubij adiutores*, tradit Sabellicus. Seculi nostri etiam hoc dedecus est, inueniri, in quibusdam locis, qui, sanè non dissimulanter, tam nefandam, inter se, ineunt societatem, ut vxores, aut maritos, inter sese, commutent, mutantque, ea conditione, ut sibi vicissim alteri, vel altere remittantur. Cui tam pudendo flagitio error, aut ignorantia, vel peruicacia potius intolerabilis accedit. Existimant enim, adulterium non esse, neque fidem violari, quando alteruter coniugum est volens & jus suum alij resignat. Cum enim volens non fiat iniuria, aiunt, quam iniuriam vxori facio, si, illa consentiente, introduco meretricem? vel quam illa facit mihi iniuriam, si ego paupertate adactus illam diuiti prostituo, a quo diuitijs vel officijs possum augeri? Nimirum adeo caeca libido, & cæcus Cupido homines exoculat, ut dicant *malum bonum, & bonum malum, ponentes tenebras lucem, & lucem tenebras.*

Isa. 5. 20.

VI.

Scire enim debent isti, neminem jus habere consentientem in malum. Adulter ergo est, quisquis in adulterium consentit. At tua est vxor, aut tuus est maritus? Esto. Haud tamen inde conficiet,